



რეკომენდაციები მშობლებისთვის სკოლების გახსნამდე

ყველა ძალიან ბევრს მუშაობდა იმისათვის, რომ სკოლები უსაფრთხოდ გაიხსნას პერსონალისთვის, მოსწავლეებისა და მათი ოჯახის წევრებისთვის.

ამოქმედდება ახალი წესები და პირობები, რომლებიც აუცილებელია ყველასათვის უსაფრთხოების უზრუნველსაყოფად.

მოსწავლეთა უმეტესობა მოუთმენლად ელოდება სკოლაში დაბრუნებას და თავს ძალიან ბედნიერად გრძნობენ. ზოგიერთი შეიძლება ცოტა ღელავდეს სკოლაში დაბრუნების გამო. ცვლილებების დროს ეს ნორმალური რეაქციაა. უმეტესობა მალევე მიეჩვევა ახალ წესებს და პირობებს. შეახსენეთ ბავშვებს სკოლაში დაბრუნების დადებითი მხარეების შესახებ, როგორცაა მეგობრებთან შეხვედრა და სკოლის აქტივობებში ჩართვა.

მნიშვნელოვანია, რომ ყველა მოსწავლემ იცოდეს ხელის კარგად დაბანის პროცედურა. დარწმუნდით, რომ ბავშვმა იცის, რომ ხველის და ცემინების დროს უნდა გამოიყენოს ხელსახოცი, ან რომ უნდა დაახველოს ან დააცემინოს მოხრილ იდაყვში.

სკოლის დაწყებით და საშუალო საფეხურებზე ამოქმედდება ფიზიკური დისტანცირების წესები.

დაწყებით სკოლაში პატარა ბავშვებს შეიძლება არ მოსთხოვონ ფიზიკური დისტანციის დაცვა, მაგრამ შეიძლება მოხდეს მათი დახარისხება ჯგუფების მიხედვით. ასევე შეიძლება ამოქმედდეს სკოლებში ბავშვების წაყვანა-მოყვანის ახალი წესები.

სკოლის ყველა თანამშრომელმა და საშუალო სკოლის მოსწავლეებმა უნდა ატარონ პირბადე იმ ადგილებში, სადაც ორმეტრიანი დისტანციის დაცვა შეუძლებელია.

კარგი იქნება, თუ ბავშვი სკოლაში ფეხით ან ველოსიპედით ივლის, თუკი ეს შესაძლებელი და უსაფრთხოა.

სასკოლო ტრანსპორტში მოსწავლეებს მინიჭებული ექნებათ ადგილი ყოველდღიური მგზავრობისთვის. ავტობუსის ლოდინის და ავტობუსით მგზავრობის დროს საშუალო სკოლის მოსწავლეებმა უნდა ატარონ პირბადე.

სკოლების გახსნასთან დაკავშირებით ოჯახის წევრებს პირდაპირ სკოლიდან დაუკავშირდებიან. სახლში ერთად ისაუბრეთ იმაზე, თუ რა არის მოსალოდნელი სკოლაში დაბრუნების დროს. სწავლასთან დაკავშირებით თქვენი ბავშვის ნებისმიერი პრობლემის შესახებ სკოლას უნდა შეატყობინოთ სკოლის დახურვის პერიოდში.

ნორმალური რეჟიმის დაცვა თქვენს ბავშვს სკოლაში დაბრუნებისას ადაპტაციაში დაეხმარება. თანდათან ბავშვისთვის ისეთი ძილის რეჟიმი დანერგეთ, რომელიც სკოლის დროს იყო.

ასევე, ეცადეთ, რომ ბავშვმა იკვებოს ჯანსაღად, ივარჯიშოს და მეგობრებთან გავიდეს.

მასწავლებლებს ესმით, რომ სკოლის დახურვის პერიოდში სახლში სწავლა არ იყო ადგილი და ამიტომ მოსწავლეებს სასწავლებლად მოამზადებენ.

ნებისმიერი ადამიანი, რომელსაც აქვს კოვიდ-19-ის სიმპტომები, მათ შორის სიცხე, სუნთქვის უკმარისობა ან გამწვანება, ყნოსვის დაკარგვა ან შეცვლა, არ უნდა იაროს სკოლაში. გთხოვთ, დაუკავშირდეთ თქვენს ექიმს და დაიცვათ ჯანდაცვის დაწესებულების მითითებები თვითიზოლაციის შესახებ. დარწმუნდით, რომ ბავშვებმა იციან, რომ შეუძლოდ გახდომის შემთხვევაში მათ უშუალოდ მასწავლებელს უნდა მიმართონ.

გახსოვდეთ, ჩვენ ყველამ ჩვენი წვლილი უნდა შევიტანოთ იმაში, რომ ბავშვები სკოლებში უსაფრთხოდ დაბრუნდნენ.

უფრო მეტი ინფორმაციისთვის, იხილეთ gov.ie/backtoschool